

《中國地方藝文薈萃》編委會 編

中國地方藝文薈萃

學苑出版社

東北東北卷·第一輯·叁



華北東北卷·第一輯

叁

中國地方藝文薈萃

《中國地方藝文薈萃》編委會 編

貴州師範學院內部使用



國朝畿輔詩傳六十卷（三）

貴州师范学院内部使用

國朝畿輔詩傳六十卷（三）

（清）陶樾輯

據清道光十九年（一八三九）紅豆樹館刻本影印

國朝畿輔詩傳卷二十一

長洲陶 樑鼻薊輯 江都汪喜孫孟慈校

龐 塏

塏字壽公號雪崖任邱人克慎子康熙十四年

舉人十八年 召試博學鴻詞授檢討降

內閣中書舍人出為福建建寧府知府有叢碧

山房集五十七卷

四庫全書提要叢碧山房集五十七卷附詩義  
固說二卷龐塏撰是集凡八卷雜著三卷翰苑  
藁十四卷舍人藁六卷工部藁十一卷戶部藁  
十卷建州藁五卷皆其所手自編定也塏為詩  
主於平正冲澹不求文飾當王士正名極盛時  
能文之士率奔走門牆假借聲譽塏獨落落不

相親附故王士正亦不甚稱之惟記其病足詩  
 切防美人笑蹙者春來不過平原門一絕而已  
 然豈早歲所作頗得深婉清微之致晚年菁華  
 既竭流於枯淡其舍人藁不及翰苑工部藁不  
 及舍人戶部藁不及工部至建州藁以後顏唐  
 益甚田雯為作戶部藁序以白居易陸游比塏  
 意頗愜然實箴規之言也未附詩義固說二卷  
 論亦切實惟推衍嚴羽之說以禪談詩轉至於  
 支離曼衍是其  
 好高之過矣

任邱縣志塏幼有至性以博學鴻儒  
 試授檢討纂修明史有明都御史某裔暮夜懷  
 金求勿入魏黨傳力拒之既而改補內閣中書  
 舍人陞工部都水司主事尋晉員外郎陞戶部  
 廣西司郎中戊寅出守建寧浦令以嚴苛激變  
 邑人乘夜焚冊局殺冊書民罷市令懼而逃公  
 聞之兼程赴浦召紳士集明倫堂數浦令罪論  
 士民無生亂查倉庫及冊局收未焚餘冊變遂  
 定時制府惡閩俗刁悍欲借浦示威而浦令與  
 紳士為仇欲周內之塏曰彼合實甚吾肯殺人

媚人耶僅坐重罪一人流二人九仙山多盜往  
往掠人索贖名曰餉戶墜曰盜在山必仰食於  
外絕其窩引乃可除遣捕役密跡之前後獲江  
洪臯裴光明等數十人賊窘將移穴又命捕役  
率鄉兵要於路賊拒捕乃發火鎗中賊首羣賊  
奔逸奪回餉戶數人境內帖然聽訟簡明遇骨  
肉構訟必發其天性令自悟諭而  
遣之謝政歸里卒年六十有九  
朱彝尊序叢碧山房詩雅而醇奇  
而不肆合乎開元天寶之風格

許汝霖序先生癯容峻骨冲夷自尙出守建州  
政尙清簡不廢吟咏歸後有和陶詩百餘首天  
設地造不假安排較蘇文忠

儋耳所和更覺自然古雅

毛奇齡序雪崖詩原本心志故言多根柢比之  
擢本之木入地千尋拔地亦千尋今先出家庭  
紀懷詩問世本在是詩亦在是而吾卽推之爲  
人倫之書前乎此者則安仁叙家風康樂述祖  
德王融懷叔陸景寄兄秦嘉贈婦左思鮑照贈  
妹王景柳玘陶潛杜甫盧仝韓愈或喻兒或訓

子往往然也吾得而並觀之矣

鶴徵錄雪崖有詩名頗通禪理為人恬澹升沈隨時不以經心前人謂其所嗜專以篤故所成精以深詩也進乎道矣

荆軻山弔古

青山何盤盤林樹亦扶疎古之慷慨人於此託室廬感彼燕丹義西行人秦都左攜於期首右持督亢圖寒風吹易水至今歌嗚嗚

雜詩

年來常苦饑驅犢事躬耕一朝感時雨童苗雜草生把鋤不及辨往往去其稂秋分萬物熟吾亦幸收成布種

過五斗收粒畝三升得失不相償徒爾費經營家人共  
相謂此事非所能

大山高百仞小山高一尺各自感生成大小不相借富  
貴忽中人辛苦爲形役小心奉顏色行止何踈踏我欲  
學所爲未肖行復易蔓草緣短牆野性終不釋滌蕩以  
自放我心仍匪石

蟪卵育蚊眉象骨出蛇口乃知天地間萬事靡不有牀  
頭一卷書牀下一瓶酒讀書未兩行飲酒過五斗仰思  
嵇阮儔縱飲如恐後品題由他人智愚兩不受

嚴子陵

國朝詩集卷之二  
咄咄嚴子陵長年守一灘春釣灘水溫秋釣灘水寒士  
生各有志豈必在高官故人雖天子不能奪釣竿

### 野雞尖

太原西北山所厯盡巖嶮吁駭野雞尖其勢尤險絕蠢  
然塞天地一氣無罅缺元黃失正色棘澀類蝕鐵三步  
無正行五步隨拗折突兀聳怪石形狀亦區別或如餓  
豺蹲或如怒猊抉造化逞巧力種種開獐劣幽恐傷精  
魂道復臨虎穴縱橫交殘骸模糊灑殘血兩僕夾我行  
色失氣復結蚊緣不及息雙足任蹙蹙凌晨發山麓達  
頂景欲滅四顧見諸山瑣碎如蟻垤脫險息山家心神

猶憊憊回思登高訓真有愧明哲

### 石猴山

行行躡危盤初日靄晴照遂凌石猴巔得名從所肖宛  
如驅萬猿散之滿山嶠俯者如哀啼仰者如長嘯靜者  
如倦蹲跂者如引眺危者如學挂聳者如突跳神工運  
鬼斧刻削竟絕妙傍見石巉山其峯亦奇峭傲然雄對  
峙倔強不受調恍如黃池會吳晉互相譙爭長兩不下  
援桴欲擊標性癖好幽奇危行探荒窳日暮忘所歸積  
望發一笑

### 西寺

國朝詩集卷二十一  
愛從西寺居不厭西寺靜晚鐘一以發羣籟寂靈境湛  
湛戶牖間孤燈耿疎影春寒火力微枕席怯清冷展轉  
不成眠忘言酬夜永側想條山內萬里倒中嶺衆鳥各  
已息深林靜無警爲吾有吾心千變起俄頃遂令清淨  
界憂樂爭馳騁塵勞詎可窮心息念自省持此問世尊  
默默卽見領

久客思家

條山朝如藍條山暮如靑朝暮對條山愁懷了不見故  
人念遠客握手殊眷眷三日兩餽食十日五高宴口腹  
養有餘客久合自賤我家瀛海東歷州復越縣道路豈

不長客心日千轉春風野草綠晴林啼鳥變藜藿應已  
肥歸與復何羨

贈別彭孝緒進士

問君欲何之言尋宛與洛鄴下古名都濁漳帶長薄公  
子在西園文士爭附託佳人回雪舞美酒黃金爵詞若  
春華敷氣與秋霜落倡和引風騷煌煌留制作悠悠千  
餘年流風未寂寞君才過應徐瀟洒存標格諸侯愛敬  
客前路誰爲薄南向瞻嵩高秋色滿寥廓作詩贈古人  
曠懷感今昨

菊下獨酌

遠客行復歸入門喜秋霽寒蟲伏草根落葉下庭砌萬  
卉各已凋黃菊時爲帝老幹挺扶疎花葉自相綴經霜  
色逾妍寒香襲衣袂愉悅偃東籬濁酒時自貰誰能共  
歲寒爲君結幽契

送趙旦復遊閩中

鴻鵠輕千里男兒志四方人生不得意焉用守故鄉慷  
慨呼僕夫中夜促行裝南行陟幔亭高標插穹蒼奇峯  
三十六羅列爭低昂長揖武夷君傾壺出瑤漿半酣激  
長嘯神氣何飛揚濯足九曲流晞髮陽阿傍豈知同心  
人相思懷永傷

平泉墅

訪古問平泉所見但荒草愚哉贊皇公承先事締造花  
出日南嶺鳥來隴西道作書戒後人木石以爲寶豈知  
崖州行厥躬不自保我來當清秋露白風浩浩岸谷尙  
未移故物跡已掃披荆覓殘基漫滅誰能考

清明陪涓清東塘杜少南廠卽景

良游當及時晨起命僮僕同人夙有期載酒試春服南  
尋陶正坊烟光媚草木緬懷溯在昔埏埴起平陸時日  
延古今高下變陵谷人生能幾何風塵長局蹙山水向  
夕佳清暉蕩心目杯行誰當遲妙論迭往復逍遙歸去